

## UGOVOR

o nabavci pločastih radijatora u JU OŠ „Džemaludin Čaušević“ Sarajevo

zaključen između:

### JU OŠ „DŽEMALUDIN ČAUŠEVIĆ“ SARAJEVO

Sjedište: Sarajevo, Prvomajska 24  
koju zastupa Šarkinović Beba, direktorica škole.  
Identifikacijski broj: 4200166390005  
(u daljem tekstu: Naručilac)

i

### „AS-GAS“ OD Sarajevo

Sjedište: TC Vojničko polje PP-N1 Sarajevo  
koju zastupa Amir Greljo iz Sarajeva (osoba ovlaštena za zastupanje dobavljača/ potpisivanje ugovora),  
identifikacioni broj/ PDV broj: 4300899870008/300899870008  
transakcijski račun : SPARKASSE BANK DD 1990490005713347  
(u daljnem tekstu: Dobavljač).

### PREDMET UGOVORA

#### Član 1.

Predmet ovog ugovora je nabavka pločastih radijatora sa montažom u JU OŠ „Džemaludin Čaušević“ Sarajevo koje će Dobavljač izvršiti Naručiocu u skladu sa odredbama ovog Ugovora i prema ponudi broj: 787-01/18 od 28.06.2018.god.

### CIJENA

#### Član 2.

Cijena koju će Naručilac isplatiti Dobavljaču za usluge iz člana 1. Ugovora iznosi:

- Cijena bez PDV-a: 8.458,63 KM;
- Porez na dodanu vrijednost (PDV 17%) = 1.437,97 KM;
- **UKUPNA VRIJEDNOST / CIJENA sa PDV-om = 9.896,60 KM**  
(slovima: devet hiljada osam stodevedeset šest i 60/100 KM).

### USLOVI I NAČIN PLAĆANJA

#### Član 3.

Sredstva za plaćanje fakture dobavljaču obezbijeđena su iz donacije Općine Novi Grad u iznosu od 8.000,00 KM, a ostatak od 1.896,60 KM iz raspoloživih sredstava škole.  
Plaćanje se obavlja na žiro-račun Dobavljača, nakon ispostavljenе fakture za izvršenu nabavku. Naručilac ne prihvata avansno plaćanje i traženje sredstava osiguranja plaćanja.  
Dobavljač je dužan izdati / sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.  
Uslovi plaćanja i drugi uslovi koje Dobavljač jednostrano unese u fakturu ne obavezuju kupca ni onda kada je fakturu primio, a nije joj prigovorio.

## ROK IZVRŠENJA USLUGA

### Član 4.

Rok izvršenja nabavke iz člana 1. ovog ugovora je 30 dana računajući od datuma obostranog potpisivanja ovog ugovora.

Pod izvršenjem se podrazumijevaju sve potrebne radnje koje je Dobavljač dužan obaviti, prema ugovoru i prirodi posla, da bi Naručilac mogao primiti izvršenje nabavke.

Dobavljač je dužan izvršiti ugovorenu nabavku prema vrsti i kvaliteti predviđenim ugovorom te njegovim priložima. Dobavljač je dužan predati Naručiocu svu dokumentaciju koja se odnosi na izvršenje nabavke.

Mjesto izvršenja je JU OŠ „Džemaludin Čaušević“ Sarajevo, Prvomajska 24.

## NAČIN IZVRŠENJA USLUGA

### Član 5.

Dobavljač je obavezan nabavku iz člana 1. Ugovora izvršiti u roku, na način i pod uslovima određenim ponudom Dobavljača i odredbama ovog ugovora te pri tome postupati sa pažnjom dobrog privrednika, odnosno sa pažnjom dobrog stručnjaka, u suprotnom preuzima i snosi punu odgovornost, troškove i rizik.

U izvršenju nabavke Dobavljač je dužan osigurati da iste u njegovo ime izvršavaju eksperti iz predmetne oblasti sa odgovarajućim nivoom znanja / vještina za konkretne poslove.

## VIŠA SILA

### Član 6.

Ako slučaj više sile spriječi, potpuno ili djelimično, izvršenje obaveza po ovom ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 3 dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog ugovora, koji su nastali mimo volje ugovornih strana, čije nastupanje i dještvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dještva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglašuje kao slučajeve više sile.

Za vrijeme trajanja više sile obaveze ugovornih strana po ovom ugovoru miruju, ne primjenjuju se odredbe Ugovora o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 30 dana, ugovorne strane će se sporazumijeti o daljoj sudbini Ugovora. Ukoliko se ugovorne strane ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu ugovornu stranu.

## STUPANJE UGOVORA NA SNAGU

### Član 7.

Ovaj ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim ugovorom računaju se od dana stupanja ugovora na snagu.

## PRIMJENA ZAKONA O OBLIGACIONIM ODNOSIMA

### Član 8.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi s i povodom izvršenja ovog ugovora.

## RJEŠAVANJE SPOROVA

### Član 9.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mimo rješenje eventualnog spora u smislu stava 1. ovog člana ugovora se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

## OSTALE ODREDBE

### Član 10.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

### Član 11.

Izmjene i dopune ovog ugovora mogu se vršiti samo pismenim putem. Bit će punovažne i obavezivat će ugovorne strane samo one izmjene i dopune koje su sačinili sporazumno u pismenoj formi.

### Član 14.

Ovaj ugovor je sačinjen u 6 istovjetnih primjeraka od kojih Naručilac zadržava 4 (četiri), a Dobavljač 2 (dva) primjerka.

Dobavljač:  
„AS-GAS“ OD Sarajevo

Amir Greljo

*Amir Greljo*

OBSTAVLJENJE OBLIGACIONIH ODNOSIMA  
„AS-GAS“  
VI. GRELJO AMIR  
SARAJEVO



Naručilac:  
Džemaludin Čaušević“ Sarajevo

*Džemaludin Čaušević*

Broj: 820-01 /18

Sarajevo, 06. 07. 2018.god.